

BOSNA I HERCEGOVINA
Federacija Bosne i Hercegovine
Tuzlanski kanton
OPĆINA GRAČANICA
OPĆINSKO VIJEĆE

Broj predmeta: 01-05-00272-2015
Broj akta: 05EN-001
Gračanica, 29.1.2015. godine

Na osnovu člana 2.12 stav 5. Izbornog zakona Bosne i Hercegovine („Službeni glasnik BiH“, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13 i 7/14) i člana 7. Uputstva o utvrđivanju kvalifikacija, broja i imenovanju članova izborne komisije osnovne izborne jedinice u Bosni i Hercegovini („Službeni glasnik BiH“, broj: 9/10, 37/10 i 74/11), Općinsko vijeće Gračanica na sjednici održanoj 29.01.2015. godine, d o n o s i

O D L U K U

o objavljivanju javnog oglasa za imenovanje člana Općinske izborne komisije Gračanica

Član 1.

Općinsko vijeće Gračanica objavljuje javni oglas za imenovanje jednog člana Općinske izborne komisije Gračanica.

Član 2.

Javni oglas iz prethodnog člana objaviti najmanje u jednom dnevnom listu koji izlazi na području Bosne i Hercegovine i na web stranici Općine Gračanica.

Javni oglas iz stava 1. ostaje otvoren osam dana od dana objavljivanja.

Član 3.

Mandat člana Općinske izborne komisije traje sedam godina i teče od dana davanja saglasnosti Centralne izborne komisije BiH.

Član Općinske izborne komisije pored općih uslova mora ispunjavati i posebne uslove propisane članom 2.2, 2.3 i 2.14 Izbornog zakona Bosne i Hercegovine.

Član 4.

Imenuje se Komisija za provođenje postupka po javnom oglasu iz člana 1. Odluke, u sastavu:

1. Imširović Jasminka, dipl.pravnik - predsjednik,
2. Šaković Senaida, dipl.pravnik - član,
3. Širbegović Nihada, dipl.pravnik - član.

Komisija iz stava 1. ovog člana, odmah po stupanju na snagu ove Odluke, sačinit će tekst javnog oglasa iz člana 1. Odluke, isti dati na objavljivanje i provest će postupak i proceduru po javnom oglasu u skladu sa Izbornim zakonom Bosne i Hercegovine i Uputstvom o utvrđivanju kvalifikacija, broja i imenovanju članova izborne komisije osnovne izborne jedinice u Bosni i Hercegovini i rang listu sa redoslijedom kandidata dostaviti Općinskom vijeću najkasnije do 20. 02. 2015. godine.

Član 5.

Odluka stupa na snagu danom objavljivanja u “Službenom glasniku Općine Gračanica”.

PREDSJEDAVAJUĆI
OPĆINSKOG VIJEĆA
mr. sc. Edin Ibrišević, s.r.

BOSNA I HERCEGOVINA
Federacija Bosne i Hercegovine
Tuzlanski kanton
OPĆINA GRAČANICA
OPĆINSKO VIJEĆA

Broj predmeta: 01-23-00284-2015
Broj akta: 05EN-001
Gračanica, 29.1.2015.godine

Na osnovu članova 22., 37., 41. i 49. stav 1. Zakona o prostornom uređenju i građenju („Službene novine TK”, broj: 6/11,4 /13 i 15/13), člana 102. Odluke o usvajanju i provođenju Prostornog plana za područje Općine Gračanica ("Službeni glasnik Općine Gračanica", broj: 13/14) i čl. 16. Statuta Općine Gračanica ("Službeni glasnik Općine Gračanica", broj: 4/09), Općinsko vijeće na sjednici održanoj dana 29. 01. 2015. godine, d o n o s i

O D L U K U
O PRISTUPANJU IZRADI IZMJENA I DOPUNA REGULACIONOG PLANA
"RADNA ZONA I, II i III" Gračanica-prva faza-istok

Vrsta planskog dokumenta

Član 1.

Pristupa se izradi izmjena i dopuna Regulacionog plana "Radna zona I, II i III-prva faza, istok" („Službeni glasnik Općine Gračanica“ broj: 5/08), u daljem tekstu Plan.

Član 2.

Ovom Odlukom regulišu se granice područja Plana, vrsta planskog dokumenta višeg reda na osnovu kojeg se Plan donosi, vremenski period za koji se Plan donosi, smjernice za izradu Plana, sadržaj Plana, način osiguravanja sredstava za izradu, nosilac pripreme Plana, rokovi za pripremu i izradu Plana, odredbe o sudjelovanju javnosti - javnoj raspravi i javnom uvidu, subjekti planiranja i ostale odredbe važne za izradu Plana.

Granice područja za koje se donose izmjene i dopune Plana

Član 3.

Granica počinje na sjevernoj strani od tačke označene brojem 1- spoja magistralnog puta Doboj-Tuzla i puta k.č. 5818/1 (n.p.) k.o. Gračanica nastavljajući u pravcu juga lijevom stranom navedenog puta do parcele k.č. 5676 odakle skreće u pravcu jugoistoka presijecajući navedenu parcelu i parcelu k.č. 5681/3, 5682 do spoja s granicom k.č. broj: 5499/29, zatim presijeca put k.č. broj: 5499/7 i parcelu k.č. broj: 5499/30 izlazeći na javni put k.č. 5821, prelazi na drugu stranu puta, pa nastavlja lijevom stranom navedenog puta do spoja s putem k.č. broj: 5706. U smjeru sjeveroistoka i istoka presijecajući parcelu k.č. 5703, zatim nastavljajući granicama k.č. 5707, 5708/1, krajem puta k.č. 5712, zatim granicama parcela k.č. 5718 i 5717/2 u dužini 5,0 m, zatim skreće u smjeru sjeveroistoka i nastavlja presijecanjem parcela k.č. 5715 i 5714/2 do spoja s granicom parcele k.č. 5713/2 i 5714/1, nastavlja granicom ovih parcela do tačke označene brojem 14. Odavde nastavlja desnom obalom rijeke Spreče uzvodno do spoja s tačkom označenom brojem 12, odnosno spojem s k.o. Donja Lohinja-Pribava na granici parcele k.č. 839 i 849/2 (n.p.) k.o. Donja Lohinja-Pribava. Nastavlja presijecajući parcelu k.č. 849/2 i parcelu k.č. 849/1 izlazeći na njenu istočnu granicu. Granicom ove parcele i parcele k.č. 843 izlazi na tačku označenu brojem 9. U smjeru sjeveroistoka nastavlja presijecanjem puta k.č. 845, zatim granicom parcele k.č. 847/4 i 846/9 dolazeći do tačke označene brojem 7 koja se nalazi na magistralnom putu Doboj-Tuzla. Odavde granica u smjeru zapada nastavlja magistralnim putem do početne tačke označene brojem 1.

Granica obuhvata označena je spojnom linijom i koordinatnim tačkama od 1 do 37 na grafičkom prilogu Odluke. Površina obuhvata P= 61,8 ha.

Vrsta Planskog dokumenta višeg reda na osnovu kojeg se Plan donosi

Član 4.

Izmjene i dopune Plana se donose na osnovu Prostornog plana za područje Općine Gračanica 2006-2026.godine.

Vremenski period za koji se plan donosi

Član 5.

Izmjene i dopune Plana se donose za vremenski period od 10 godina (2015.-2025.godine).

Smjernice za izradu

Član 6.

Izmjene i dopune Plana se rade u cilju donošenja provedbeno-planske osnove radi unapređenja stanja u prostoru koji obuhvata, usaglašavanja Plana s Prostornim planom Općine Gračanica i Zakonskim odredbama.

Kao polaznu osnovu za izradu Plana koristiti data rješenja regulacionog plana "Radna zona "I,II i III" Gračanica -prva faza,istok i regulacionih planova "Radna zonaII" i "Radna zona III".

Pri izradi Plana neophodno je :

*Analizirati nedostatke i propuste rješenja datih Planom iz ranijeg perioda.

*Izvršiti analizu ukupnog stanja za područje obuhvata koja sadrži :

-prirodni uslovi - opći podaci o prostornoj cjelini, površina, odnosno granice prostorne cjeline, inženjersko-geološke, hidrološke, seizmološke i klimatske karakteristike, ugroženost područja, namjena površina;

-gustinu i procenat izgrađenosti, koeficijent izgrađenosti,zelenilo, rekreativne i slobodne površine; fizičke strukture prostorne cjeline - fizička dimenzija, namjena, historijske i druge vrijednosti objekata, vrste djelatnosti;

-izvršiti anketiranje i valorizaciju postojećeg građevinskog fonda;

saobraćaj - saobraćajne površine- analiza saobraćajne povezanosti sa svim vidovima saobraćaja, kapacitet i

-bonitet saobraćajne mreže , saobraćaj u mirovanju,pješačke zone i površine;

-vodovod i kanalizacija - vrsta, kapacitet i bonitet mreže - katastar podzemnih i nadzemnih instalacija;

energetska infrastruktura - elektrodistribucija, toplifikacija kapacitet i bonitet mreže (katastar podzemnih i nadzemnih instalacija);

-kapaciteti objekata;

-zaštićeno kulturno-historijsko i prirodno nasljeđe,ambijentalne cjeline i arhitektonske vrijednosti ;

analizirati već urađene zahvate na objektima- oblikovno rješenje, te predložiti moguće mjere i intervencije;

analiza postojećih i mogućih intervencija za pojedinačne objekte (rekonstrukcija, izgradnja,interpolacija ,nadogradnja redizajn i sl.);

-analiza namjene objekata,blokova,cjelina (dozvoljene,uslovno dozvoljene,zabranjene);

definisane građevinskih parcela unutar granica planiranja za postojeće i planirane objekte;

-okoliš - stanje zraka, tla i vode, biljni svijet, postojeći zagađivači u datoj prostornoj cjelini i sa širem područja koji imaju utjecaj na stanje okoliša date cjeline;

-mjere zaštite stanovnika i materijalnih dobara od prirodnih i ljudskim djelovanjem izazvanih nepogoda i katastrofa i ratnih djelovanja u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća i drugim propisima;

-mjere zaštite prava lica sa smanjenim tjelesnim sposobnostima u skladu sa odredbama Uredbe o prostornim standardima, urbanističko-tehničkim uvjetima i normativima za sprječavanje stvaranja svih barijera za lica sa umanjnim tjelesnim sposobnostima;

-analiza ograničenja u prostoru (poplave,klizišta, trase i koridori komunalne infrastrukture, koridori primarnih gradskih saobraćajnica i dr.);

katastarski i vlasnički podaci o zemljištu;

-Prilikom izrade Plana, po mogućnosti, uvažavati postojeće vlasničko stanje, što će omogućiti lakšu realizaciju planirane gradnje, s tim da se u isto vrijeme mora voditi računa o neophodnosti izgradnje sekundarnih saobraćajnica i njihovih priključaka na saobraćajnice višeg reda kao i koridore za interventni saobraćaj;

*Kroz izradu koncepta prostorne organizacije preispitati programe koje su ponudili investitori u anketama i tokom pripreme izrade Plana radi inkorporiranja u kompletnu prostornu organizaciju što podrazumijeva i mogućnost promjene, a što se odnosi na: građevinske linije, spratnost, pristup parceli i objektu, saobraćaj u mirovanju, zelenilo, i sl.

*Izgradnja svih objekata mora biti usaglašena sa prostornim mogućnostima, pa je potrebno voditi računa o rastojanjima između objekata, njihovom osunčanju, saobraćajnom i kolskom pristupu, stacionarnom saobraćaju i sl., odnosno sa urbanističko-tehničkim uslovima izgradnje.

Posebnu analizu dati za :

- pristigle zahtjeve u postupku pripreme izrade Plana;
- definisati parametre za određene namjene proizvodne djelatnosti uzimajući u obzir i proširenje kapaciteta;
- razmotriti vrste sadržaja u kontaktnoj zoni buduće rekreacione zone;
- redefinisati saobraćajno rješenje dato ranijim Planom posebno na istočnom dijelu prostornog obuhvata;
- riješiti pitanje parkiranja unutar svake građevinske parcele, bloka i obuhvata Plana;
- u Plan ugraditi sve vrste idejne i izvedbene i projektne dokumentacije, infrastrukture, te razmotriti date prijedloge u cilju poboljšanja datih rješenja;

Sadržaj Plana

Član 7.

Sadržaj plana u svemu izvesti u skladu s odredbama čl.57. do čl.69. Uredbe o jedinstvenoj metodologiji za izradu planskih dokumenata ("Službene novine Federacije BiH", broj: 63/04 i 57/07) i čl. 37. Zakonom o prostornom uređenju i građenju ("Službene novine TK", broj: 6/11, 4/13 i 15/13), između ostalog naročito:

- detaljnu namjenu površina,
 - gustinu naseljenosti,
 - koeficijent izgrađenosti,
 - regulacionu i građevinsku liniju,
 - nivelacione podatke,
 - uređenje prostora,
 - način opremanja zemljišta prometnom, komunalnom, energetskom, telekomunikacionom i drugom infrastrukturom,
 - način i uvjete priključivanja na saobraćajnu mrežu,
 - uslove za građenje i druge zahvate u prostoru,
 - mjere zaštite stanovnika i materijalnih dobara od prirodnih i ljudskim djelovanjem izazvanih nepogoda i katastrofa i ratnih djelovanja,
 - mjere zaštite prava osoba sa smanjenim tjelesnim sposobnostima,
 - mjere za zaštitu okolice, očuvanje prirodnog i kulturnopovijesnog naslijeđa,
 - plan parcelacije,
 - podatke o vlasničkom statusu zemljišta,
 - uvjete uređenja građevinskog zemljišta,
 - druge elemente od značaja za područje za koje se plan donosi.
- Sve faze Izmjena i dopuna Plana izraditi u analognom i digitalnom obliku.

Rokovi za pripremu i izradu Plana

Član 8.

Rokovi za pripremu i izradu Plana su:

- Odluka o pristupanju izradi Plana: januar 2015. godine,
- Plan i program aktivnosti za pripremu izrade Plana: februar 2015. godine,
- Podloge za izradu Plana: mart 2015. godine,
- Raspisivanje javnog natječaja : april 2015.godine,
- Osnovna koncepcija Plana: juni/juli 2015. godine,
- Prednacrt Plana: juli 2015. godine,
- Prvi krug konsultacija :juli/avgust 2015.godine,
- Nacrt Plana: avgust /septembar 2015. godine,
- Razmatranje Nacrta Plana od strane Općinskog vijeća : septembar /oktobar 2015. godine,
- Javni uvid i javna rasprava o Nacrtu Plana novembar 2015.godine
- Prijedlog Plana: decembar 2015. godine,
- Usvajanje Prijedloga Plana od strane Općinskog vijeća: decembar 2015. godine.

Način osiguranja sredstava za izradu Plana

Član 9.

Okvirna sredstva za pripremu podloga i izradu Plana obezbijedit će Općina Gračanica u budžetu za 2015. i 2016. godinu.

Stvarni troškovi će se utvrditi kroz provođenje tenderskog postupka i na bazi zadataka.

Nosilac pripreme i nosilac izrade Plana

Član 10.

Nosilac pripreme Plana je Služba za prostorno uređenje, geodetske i imovinskopravne poslove.

Nosilac izrade Plana biće izabran putem javnog natječaja u skladu sa Zakonom o javnim nabavkama („Službeni glasnik Bosne i Hercegovine“, broj: 49/04,19/05,52/05,8/06,24/06,70/06 i 105/06).

Odredbe o sudjelovanju javnosti - javnoj raspravi i javnom uvidu

Član 11.

Nosilac pripreme Plana će u postupku pripreme Plana izvršiti prve javne konsultacije sa subjektima planiranja.

Na osnovu smjernica i prijedloga subjekata planiranja nosilac izrade Plana će izraditi Osnovnu koncepciju Plana i ponuditi je Nosiocu pripreme na razmatranje.

U kontaktu s javnošću i subjektima planiranja nosilac pripreme izvršiće usaglašavanje Osnovne koncepcije s nosiocem izrde Plana.

Ukoliko Nosilac pripreme Plana usvoji Osnovnu koncepciju Plana, Nosilac izrade Plana će izraditi Prednacrt Plana i dostaviti ga Nosiocu pripreme Plana radi utvrđivanja Nacrta Plana.

Nosilac pripreme Plana će utvrditi Nacrt Plana i podnijeti ga Općinskom vijeću Gračanica na razmatranje.

U skladu s Zključkom Općinskog vijeća nosilac pripreme Plana obaviće javni uvid i javnu raspravu u trajanju od najmanje 30 dana.

Na osnovu rezultata javne rasprave i stava o Nacrtu Plana, Nosilac pripreme Plana utvrditi će Prijedlog Plana i podnijeti ga Općinskom vijeću Gračanica na donošenje.

Subjekti planiranja

Član 12.

Subjekti planiranja su: Općina Gračanica, javna komunalna preduzeća, vjerske zajednice, vlasnici i korisnici zemljišta, potencijalni investitori i drugi zainteresovani subjekti koji iskažu svoj interes.

Ostale odredbe

Član 13.

Na prostoru planiranja u toku procesa izrade Plana, pitanja građenja rješavaće se u skladu s rješenjima usvojenog regulacionog plana " Radna zona "I, II i III" Gračanica-prva faza -istok uz pribavljanje i mišljenja nosioca izrde Plana.

Član 14.


Sastavni dio ove Odluke je grafički prilog s ucrtanom granicom područja planiranja i Izvod iz Prostornog plana za područje Općine Gračanica.

Član 15.

Ova Odluka stupa na snagu danom objavljivanja u "Službenom glasniku Općine Gračanica".

**PREDSJEDAVAJUĆI
OPĆINSKOG VIJEĆA
mr. sc. Edin Ibrišević, s.r.**

GRAFIČKI PRILOG ODLUKE O PRISTUPANJU IZRADI IZMJENI I DOPUNI
REGULACIONOG PLANA " RADNA ZONA I "



Broj predmeta: 01-23-00284-2015
Broj akta: 05EN-001
Gračanica, 29.1.2015.godine

PREDSJEDA VAJUĆI
OPĆINSKOG VIJEĆA
mr. sc. Edin Ibrišević, s.r.



IZVOD IZ PROSTORNOG PLANA OPĆINE GRACANICA 2008 - 2028
ukv.2014.god.
("SLUGLASNIK OPĆINE GRACANICA", br.1314)
PRJEKCUJA PROSTORNOG RAZVOJA
SINTEZNI PRIKAZ KORIŠTENJA PROSTORA



OBRAĐA:

OVJERAVA:

Bosna i Hercegovina
Federacija Bosne i Hercegovine
Tuzlanski kanton
OPĆINA GRAČANICA
OPĆINSKO VIJEĆE

Broj predmeta: 01-05-00274-2015
Broj akta: 05EN-001
Gračanica, 29.1.2015. godine

Na osnovu člana 108. Statuta Općine Gračanica («Službeni glasnik Općine Gračanica» , broj: 4/09) i člana 89. Poslovnika Općinskog vijeća Općine Gračanica («Službeni glasnik Općine Gračanica», broj: 6/14), a u vezi sa članom 120. Statuta JP „Komus“ d.o.o. Gračanica („Službeni glasnik Općine Gračanica“, broj: 7/13), Općinsko vijeće Gračanica na sjednici održanoj dana 29. 01.2015.godine, d o n o s i

Z A K L J U Č A K

o davanju saglasnosti na Odluku o izmjenama i dopunama Statuta JP „Komus“ d.o.o. Gračanica

I

Općinsko vijeće Gračanica daje saglasnost na Odluku Skupštine JP „Komus“ d.o.o. Gračanica, o izmjenama i dopunama Statuta JP „Komus“ d.o.o. Gračanica, broj: 01/2-1221/14 od 19.12.2014.godine.

II

U Odluci iz tačke I Zaključka, u članu 9. stav 1. Statuta JP „Komus“ d.o.o. Gračanica, dodaje se nova alineja „52.21-uslužne djelatnosti u vezi s kopnenim prijevozom“.

III

Zaključak stupa na snagu danom objavljivanja u „Službenom glasniku Općine Gračanica“.

PREDSJEDAVAJUĆI
OPĆINSKOG VIJEĆA
mr. sc. Edin Ibrišević, s.r.

Bosna i Hercegovina
Federacija Bosne i Hercegovine
Tuzlanski kanton
OPĆINA GRAČANICA
OPĆINSKO VIJEĆE

Broj predmeta: 01-05-00273-2015
Broj akta: 05EN-001
Gračanica, 29.1.2015.godine

Na osnovu člana 108. Statuta Općine Gračanica («Službeni glasnik Općine Gračanica» , broj: 4/09) i člana 89. Poslovnika Općinskog vijeća Općine Gračanica («Službeni glasnik Općine Gračanica», broj: 6/14), a u vezi sa članom 11. Statuta JP „Komus“ d.o.o. Gračanica („Službeni glasnik Općine Gračanica“, broj: 7/13), Općinsko vijeće Gračanica na sjednici održanoj dana 29. 01. 2015.godine d o n o s i

Z A K L J U Č A K

o davanju saglasnosti na Odluku o proširenju djelatnosti JP „Komus“ d.o.o. Gračanica

I

Općinsko vijeće Gračanica daje saglasnost na Odluku o proširenju djelatnosti Skupštine JP „Komus“ d.o.o. Gračanica, broj: 01/2-1220/14 od 19.12.2014.godine.

II

Odlukom iz tačke I Zaključka, proširuje se djelatnost JP „Komus“ d.o.o. Gračanica sa novom djelatnošću, koja u skladu sa Odlukom o klasifikaciji djelatnosti BiH 2010 („Službeni glasnik BiH“, broj: 47/10) glasi: „52.21-uslužne djelatnosti u vezi s kopnenim prijevozom“.

III

Zaključak stupa na snagu danom objavljivanja u „Službenom glasniku Općine Gračanica“.

PREDSJEDAVAJUĆI
OPĆINSKOG VIJEĆA
mr. sc. Edin Ibrišević, s.r.

BOSNA I HERCEGOVINA
Federacija Bosne i Hercegovine
Tuzlanski kanton
OPĆINA GRAČANICA
OPĆINSKO VIJEĆE

Broj predmeta: 01-05-00301-2015
Broj akta: 05EN-001
Gračanica, 29.1.2015.godine

Na osnovu člana 12. stav 3. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13), člana 64. Zakona o zdravstvenoj zaštiti ("Službene novine Federacije BiH", broj: 46/2010), člana 16. Statuta Općine Gračanica ("Službeni glasnik Općine Gračanica", broj: 4/09) i člana 12. Odluke o utvrđivanju standarda i kriterija za imenovanja na upražnjene pozicije u reguliranim tijelima („Službeni glasnik Općine Gračanica“, broj: 9/09 i 2/12), Općinsko vijeće Gračanica, na sjednici održanoj 29. 01. 2015.godine, d o n o s i

R J E Š E N J E
O IMENOVANJU ČLANA UPRAVNOG ODBORA
JZU „GRADSKA APOTEKA“ GRAČANICA

I

Za člana Upravnog odbora JZU „GRADSKA APOTEKA“ Gračanica imenuje se dr. Muris Tanović, specijalista ortopedije i traumatologije.

II

Dr. Muris Tanović imenuje se iz reda predstavnika Ministarstva zdravstva TK-a., do isteka mandata ostalim članovima Upravnog odbora.

III

Rješenje stupa na snagu danom objavljivanja u "Službenom glasniku Općine Gračanica“.

PREDSJEDAVAJUĆI
OPĆINSKOG VIJEĆA
mr.sc. Edin Ibrišević, s.r.

BOSNA I HERCEGOVINA
Federacija Bosne i Hercegovine
Tuzlanski kanton
OPĆINA GRAČANICA
OPĆINSKO VIJEĆE

Broj predmeta: 01-05-00299-2015
Broj akta: 05EN-001
Gračanica, 29.1.2015. godine

Na osnovu člana 12. stav 3. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13), člana 64. Zakona o zdravstvenoj zaštiti ("Službene novine Federacije BiH", broj: 46/2010), člana 16. Statuta Općine Gračanica ("Službeni glasnik Općine Gračanica", broj: 4/09) i člana 12. Odluke o utvrđivanju standarda i kriterija za imenovanja na upražnjene pozicije u reguliranim tijelima („Službeni glasnik Općine Gračanica“, broj: 9/09 i 2/12), Općinsko vijeće Gračanica, na sjednici održanoj 29. 01. 2015.godine, d o n o s i

R J E Š E N J E
O IMENOVANJU ČLANA UPRAVNOG ODBORA
JZU OPĆA BOLNICA „Dr.MUSTAFA BEGANOVIĆ“ GRAČANICA

I

Za člana Upravnog odbora JZU Opća bolnica „Dr.Mustafa Beganović“ Gračanica imenuje se dr. Nusret Butković specijalista medicinske biohemije.

II

Dr. Nusret Butković imenuje se iz reda predstavnika Ministarstva zdravstva TK-a., do isteka mandata ostalim članovima Upravnog odbora.

III

Rješenje stupa na snagu danom objavljivanja u "Službenom glasniku Općine Gračanica“.

PREDSJEDAVAJUĆI
OPĆINSKOG VIJEĆA
mr.sc. Edin Ibrišević, s.r.

BOSNA I HERCEGOVINA
Federacija Bosne i Hercegovine
Tuzlanski kanton
OPĆINA GRAČANICA
OPĆINSKO VIJEĆE

Broj predmeta: 01-05-00298-2015
Broj akta: 05EN-001
Gračanica, 29.1.2015. godine

Na osnovu člana 12. stav 3. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13), člana 64. Zakona o zdravstvenoj zaštiti ("Službene novine Federacije BiH", broj: 46/2010), člana 16. Statuta Općine Gračanica ("Službeni glasnik Općine Gračanica", broj: 4/09) i člana 12. Odluke o utvrđivanju standarda i kriterija za imenovanja na upražnjene pozicije u reguliranim tijelima („Službeni glasnik Općine Gračanica“, broj: 9/09 i 2/12), Općinsko vijeće Gračanica, na sjednici održanoj 29. 01. 2015. godine, d o n o s i

R J E Š E N J E
O IMENOVANJU ČLANA UPRAVNOG ODBORA
JZU „DOM ZDRAVLJA“ GRAČANICA

I

Za člana Upravnog odbora JZU „DOM ZDRAVLJA“ Gračanica imenuje se
Samir Mukinović, magistar ekonomskih nauka iz područja ekonomije.

II

Samir Mukinović imenuje se iz reda predstavnika Ministarstva zdravstva TK-a., do isteka mandata ostalim članovima Upravnog odbora.

III

Rješenje stupa na snagu danom objavljivanja u "Službenom glasniku Općine Gračanica“.

PREDSJEDAVAJUĆI
OPĆINSKOG VIJEĆA
mr.sc. Edin Ibrišević, s.r.

BOSNA I HERCEGOVINA
Federacija Bosne i Hercegovine
Tuzlanski kanton
OPĆINA GRAČANICA
OPĆINSKO VIJEĆA

Broj predmeta: 01-05-00276-2015
Broj akta: 05EN-001
Gračanica, 29.1.2015.godine

Na osnovu člana 16. i člana 108. Statuta Općine Gračanica ("Službeni glasnik Općine Gračanica", broj: 4/09) i člana 89. Poslovnika Općinskog vijeća Općine Gračanica ("Službeni glasnik Općine Gračanica", broj: 6/14), Općinsko vijeće Gračanica na sjednici održanoj dana 29. 01. 2015. godine, d o n o s i

Z A K L J U Č A K

I

Usvaja se Izvještaj o rješavanju upravnih predmeta u službama za upravu Općine Gračanica za period 01.01. – 31.12.2014.godine.

II

Zaključak stupa na snagu danom objavljivanja u „Službenom glasniku Općine Gračanica“.

PREDSJEDAVAJUĆI
OPĆINSKOG VIJEĆA
mr. sc. Edin Ibrišević

BOSNA I HERCEGOVINA
Federacija Bosne i Hercegovine
Tuzlanski kanton
OPĆINA GRAČANICA
OPĆINSKO VIJEĆA

Broj predmeta: 01-05-00275-2015
Broj akta: 05EN-001
Gračanica, 29.1.2015.godine

Na osnovu člana 16. i člana 108. Statuta Općine Gračanica ("Službeni glasnik Općine Gračanica", broj: 4/09) i člana 89. Poslovnika Općinskog vijeća Općine Gračanica ("Službeni glasnik Općine Gračanica", broj: 6/14), Općinsko vijeće Gračanica na sjednici održanoj dana 29. 01. 2015. godine, d o n o s i

Z A K L J U Č A K

I

Usvaja se Informacija o stanju sigurnosti na području općine Gračanica u 2014.godini.

II

Zaključak stupa na snagu danom objavljivanja u „Službenom glasniku Općine Gračanica“.

PREDSJEDAVAJUĆI
OPĆINSKOG VIJEĆA
mr. sc. Edin Ibrišević

Broj: 01-31-1692/14
Gračanica, 29.01.2015.god.

Na osnovu člana 61. Zakona o građevinskom zemljištu ("Sl. novine F BiH", broj: 25/03 i 16/04), člana 200. Zakona o upravnom postupku ("Sl. novine F BiH", broj: 2/98 i 48/99) i člana 16. Statuta Općine Gračanica ("Sl. glasnik Općine Gračanica", broj: 4/09), Općinsko vijeće Gračanica na sjednici održanoj dana 29.01.2015.god. d o n o s i

R J E Š E N J E

1. UTVRĐUJE se u korist Karahasanović Muje iz Gračanice pravo vlasništva na izgrađenom građevinskom zemljištu označenom sa k.č. broj: 488/16 „Katunište“ kuća i zgrada od 63,0m² i oranica od 135,0m² upisana u z.k. ul. broj: 1069 k.o. Gračanica sa privremenim pravom korištenja Vahide Karahasanović udt. Agić iz Gračanice, Zumre Karahasanović um. Ibrahima iz Gračanice, Senije Bešlagić rođ. Sokolović iz Tuzle, Sadije Sokolović udt. Okić iz Tuzle, Džare Sokolović udt. Domalić iz Tešnja, Smajla Vajzovića sina Mustafe iz Gračanice, Hasana Jašarevića sina Ibrahima iz Babića, Muje Karahasanovića sina Osmana iz Gračanice, Osmana Karahasanovića sina Muje iz Gračanice, Vahida Sokolovića sina Mustafe iz Gračanice, Džane Sokolović udt. Smajlović kći Mustafe iz Gračanice, Melihe Džino rođ. Sokolović kći Mustafe iz Gračanice, Gopo Vahida sina Emina iz Gračanice, Gopo Vehida sina Emina iz Gračanice, Gopo Feride kći Emina iz Gračanice, Pašalić rođ. Đulić Hedije kći Rasima iz Tuzle, Đulić Safeta sina Rasima iz Gračanice, Đulić Ismeta sina Rasima iz Gračanice, Đulić Ahmeta sina Rasima iz Gračanice, Đulić Fuada sina Dževada iz Gračanice, Krajinović rođ. Đulić Mevlide iz Gračanice, Ljevo rođ. Đulić Atife kći Džemala iz Mostara, po novom premjeru k.č. broj: 5301/14 „Katunište“ kuća i zgrada od 63,0m² i oranica od 135,0m² upisana u p.l. broj: 2980 k.o. Gračanica katastarskog i stvarnog korisnika Karahasanović Muje sina Osmana iz Gračanice te pravo vlasništva na k.č. broj: 488/18 „Katunište“ prilazni put od 204,0m² upisan u z.k. ul. broj: 1069 k.o. Gračanica sa privremenim pravom korištenja Vahide Karahasanović udt. Agić iz Gračanice, Zumre Karahasanović um. Ibrahima iz Gračanice, Senije Bešlagić rođ. Sokolović iz Tuzle, Sadije Sokolović udt. Okić iz Tuzle, Džare Sokolović udt. Domalić iz Tešnja, Smajla Vajzovića sina Mustafe iz Gračanice, Hasana Jašarevića sina Ibrahima iz Babića, Muje Karahasanovića sina Osmana iz Gračanice, Osmana Karahasanovića sina Muje iz Gračanice, Vahida Sokolovića sina Mustafe iz Gračanice, Džane Sokolović udt. Smajlović kći Mustafe iz Gračanice, Melihe Džino rođ. Sokolović kći Mustafe iz Gračanice, Gopo Vahida sina Emina iz Gračanice, Gopo Vehida sina Emina iz Gračanice, Gopo Feride kći Emina iz Gračanice, Pašalić rođ. Đulić Hedije kći Rasima iz Tuzle, Đulić Safeta sina Rasima iz Gračanice, Đulić Ismeta sina Rasima iz Gračanice, Đulić Ahmeta sina Rasima iz Gračanice, Đulić Fuada sina Dževada iz Gračanice, Krajinović rođ. Đulić Mevlide iz Gračanice, Ljevo rođ. Đulić Atife kći Džemala iz Mostara, po novom premjeru k.č. broj: 5301/15 „Katunište“ prilazni put od 204,0m² upisana u p.l. broj: 2980 k.o. Gračanica katastarskog i stvarnog korisnika Karahasanović Muje sina Osmana iz Gračanice.

2. Karahasanović Mujo iz Gračanice dužan je uplatiti naknadu za pogodnost zemljišta (rentu) u iznosu od 2.601,00 KM. Uplata se može izvršiti na blagajni Općine ili na žiro račun Općine kod Rauffeisen Bank broj: 1610250034280041, vrsta prihoda 722435, u roku od 15 dana od dana dostavljanja rješenja.

3. Zemljišno-knjižni ured općinskog suda Gračanica, nakon pravosnažnosti ovog rješenja te podnošenja dokaza da je izvršena uplata naknade za prirodne pogodnost zemljišta (renta), na zemljištu iz tačke 1. dispozitiva brisat će ranije izvršene upise u pogledu prava na njima i iste upisati kao pravo vlasništva na objektu, zemljištu pod objektom i zemljištu koje služi za redovnu upotrebu objekta te pravo vlasništva na pristupnom putu na ime Karahasanović Muje sina Osmana iz Gračanice sa 1/1.

O b r a z l o ž e n j e

Karahasanović Mujo iz Gračanice obratio se ovoj Službi zahtjevom da mu se, u skladu sa članom 61. Zakona o građevinskom zemljištu, utvrdi pravo vlasništva na zemljištu na kojem je sagrađena zgrada bez prava korištenja zemljišta radi građenja i pravo vlasništva na pristupnom putu. Uz zahtjev je priložio rješenje o naknadnoj urbanističkoj saglasnosti, zemljišno-knjižni izvadak, posjedovni list i kopiju katastarskog plana.

Uvidajem na licu mjesta utvrđeno je da je na parceli označenoj sa k.č. broj: 488/16 (n.br. 5301/14) sagrađen stambeni objekat vlasništvo Karahasanović Muje, ali bez prava korištenja zemljišta radi građenja.

Odredbom člana 61. Zakona o građevinskom zemljištu propisno je da će se na građevinskom zemljištu u državnoj svojini na kojem je izgrađena zgrada bez prava korištenja zemljišta radi građenja, za koju se može naknadno izdati odobrenje za građenje po odredbama Zakona o prostornom uređenju, Općinsko vijeće utvrditi pravo vlasništva u korist graditelja, odnosno njegovog pravnog sljednika, uz obavezu plaćanja naknade za dodijeljeno zemljište na korištenje i za uređenje građevinskog zemljišta. Prije utvrđivanja prava vlasništva nadležni općinski organ će raspraviti imovinsko-pravne odnose.

Postupajući po podnešenom zahtjevu utvrđeno je sljedeće:

- Odlukom o određivanju zemljišta na području Općine Gračanica koja se smatraju građevinskim zemljištem i postaju društvena svojina ("Sl.glasnik Općine Gračanica", broj: 3-a/77 od 29.04.1977.godine) obuhvaćeno je i zemljište opisano u tački 1. dispozitiva rješenja;

- za predmetni objekat izdato je pravosnažno rješenje o naknadnoj urbanističkoj saglasnosti broj: 06-23-1590/13 od 09.09.2013.god. iz koje se vidi da je u pitanju legalizacija izgrađenog stambenog objekta, spratnosti: P+1. Zemljište i objekat nalaze se u IV (četvrtoj) zoni u kojoj naknada za m² korisne površine iznosi 25,50 KM. Izgrađeni objekat ima korisnu površinu 102,0m² što daje ukupan iznos rente od 2.601,00 KM, prema Odluci Općinskog vijeća broj: 01-31-817/14 od 31.03.2014. god.

- u skladu sa Zakonom o upravnom postupku i Zakonom o građevinskom zemljištu održana je usmena rasprava nakon čega je, na osnovu utvrđenog činjeničnog stanja, odlučeno da je zahtjev Karahasanović Muje osnovan, pa je valjalo zahtjev usvojiti i riješiti kao u dispozitivu rješenja.

Tačka II dispozitiva ovog rješenja zasniva se na odredbama čl. 62., 63., 64., 65. i 66. Zakona o građevinskom zemljištu i obuhvata naknadu za pogodnost zemljišta(renta).

Imajući u vidu izložene činjenice odlučeno je kao u tački 1. dispozitiva ovog rješenja.

Protiv ovog rješenja ne može se izjaviti žalba, ali se može pokrenuti upravni spor podnošenjem tužbe Kantonalnom sudu u Tuzli u roku od 30 dana od dana prijema rješenja.

PREDSJEDAVAJUĆI
OPĆINSKOG VIJEĆA
mr.sci. Edin Ibrišević, s.r.

BOSNA I HERCEGOVINA
Federacija Bosne i Hercegovine
Tuzlanski kanton
OPĆINA GRAČANICA
OPĆINSKI NAČELNIK

Broj: 02-44-3457-06/14
Gračanica, 24.12.2014.god.

Na osnovu člana 13. Pravilnika o bližim kriterijima, postupku i dokumentaciji neophodnoj za ostvarivanje prava za dodjelu novčanih sredstava i građevinskog materijala na ime pomoći vlasnicima uništenih ili oštećenih objekata na području općine Gračanica i člana 36. Statuta općine Gračanica („Sl. glasnik općine Gračanica“, broj: 4/09), Općinski načelnik donosi

ODLUKU
o odabiru korisnika sa iznosom dodijeljenih sredstava

Član 1.

Novčana pomoć vlasnicima (pravnim i faktičkim) oštećenih krovova od prirodne nepogode od grada u mjesnim zajednicama Donja Orahovica, Miričina i Rašljeva obezbjeđuje se iz sredstava u Budžetu općine Gračanica i namjenski uplaćenih sredstava Vlade F BiH na ime pomoći u crijepu radi saniranja štete uzrokovane nevremenom praćenim gradom, vjetrom i kišom.

Član 2.

Na osnovu pristiglih prijava broj ukupno uništenog crijepa iznosi 669.429 komada (računajući maksimalno 1.500 komada po prijavi), što daje ukupan iznos sredstava za isplatu u visini od 179.657,10 KM.

Član 3.

Pojedinačni iznos novčane pomoći za štete na krovovima utvrđen je na osnovu ukupno oštećenog crijepa i visine novčanih sredstava obezbijedenih za ove namjene i iznosi 0,30 KM po komadu.

Član 4.

Sastavni dio ove Odluke čini lista lica koja ispunjavaju uslove za dodjelu novčanih sredstava.

Član 5.

Ova Odluka stupa na snagu danom donošenja, a objavit će se u „Službenom glasniku općine Gračanica“.

OPĆINSKI NAČELNIK
Nusret Helić, s.r.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA GRAČANICA
OPĆINSKI NAČELNIK

Broj: 02-44- 206 /15
Datum, 21.01.2015. godine

Na osnovu Pravilnika o načinu rada i funkcioniranju štabova i povjerenika civilne zaštite („Službene novine Federacije BiH“, broj:77/06 i 5/07), Odluke o osnivanju Općinskog štaba civilne zaštite („Službeni glasnik Općine Gračanica“, broj: 11/03), člana 36. Statuta Općine Gračanica (“Službeni glasnik Općine Gračanica”, broj: 4/09) i Zaključka Općinskog štaba civilne zaštite Gračanica, broj: 08-44- 01-336 /14 od 05.12.2014. godine, Općinski načelnik d o n o s i

O D L U K U

o visini naknade komandantu, načelniku i članovima Općinskog štaba civilne zaštite

I

Zbog posebne odgovornosti, težine i prirode poslova u provođenju Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, broj:39/03, 22/06 i 43/10), a u skladu sa Odlukom Općinskog vijeća o osnivanju Općinskog štaba civilne zaštite kao stručno-operativnog organa Općine Gračanica , utvrđuje se pravo na naknadu članovima Općinskog štaba civilne zaštite.

Komandantu, načelniku i članovima Općinskog štaba civilne zaštite za rad u Općinskom štabu civilne zaštite pripada mjesečna naknada u neto iznosu od 80,00 KM za komandanta i načelnika i 50,00 KM članovima štaba.

II

Sredstva za finansiranje Općinskog štaba civilne zaštite predviđena u tački I ove Odluke, osiguravaju se iz sredstava Budžeta Općine Gračanica, ekonomski kod 613974 i 613981.

III

Služba civilne zaštite će do petog u mjesecu dostavljati u računovodstvo Općine spisak lica za prethodni mjesec koja ostvaruju pravo na mjesečnu naknadu iz člana I ove Odluke.

IV

Članovi Općinskog štaba civilne zaštite koji se neopravdano ne odazivaju na sastanke, vježbe, obuke i ne učestvuju u radu štaba za taj period ne ostvaruju pravo na propisanu naknadu iz tačke I.

V

Odluka stupa na snagu danom donošenja, a primjenjivat će se od 01. 01. 2015.godine.

VI

Odluka će biti objavljena u “Službenom glasniku Općine Gračanica”.

Dostavljeno:

1. Služba za poduzetništvo, lokalni razvoj i finansije
2. Općinski štab civilne zaštite
3. Služba CZ
4. Evidencija
5. Arhiva

OPĆINSKI NAČELNIK

Nusret Helić, s.r.

BOSNA I HERCEGOVINA
Federacija Bosne i Hercegovine
Tuzlanski kanton
Općina Gračanica
OPĆINSKI NAČELNIK

Broj predmeta: 02-05-00176-2015
Gračanica, 21.01.2015. godine

Na osnovu člana 36. Statuta Općine Gračanica („Službeni glasnik Općine Gračanica“, broj: 4/09), Općinski načelnik d o n o s i

R J E Š E N J E

o izmjeni i dopuni Rješenja o imenovanju Općinskog tima za implementaciju projekta (PIT)
„Vodosnabdijevanje i kanalizacija na području općine Gračanica“

I

U Rješenju o imenovanju Općinskog tima za implementaciju projekta (PIT) „Vodosnabdijevanje i kanalizacija na području općine Gračanica“, broj: 02-05-00063-2012, akt 01MN-001 od 05.01.2012. godine („Službeni glasnik Općine Gračanica, broj 1/12), u tački I, redni broj 5. mijenja se tako da, umjesto Memić Muhibija, treba da stoji Ahmetagić Ibrahim.

II

U istom Rješenju dodaje se novi stav pod II koji glasi :

Na sastancima Općinskog tima za implementaciju projekta (PIT) zapisnike će voditi Naimkadić Mevlida.

III

Stav II Rješenja postaje stav III, stav III postaje stav IV i stav IV postaje stav V.

IV

Rješenje stupa na snagu danom donošenja, a objaviće se u „Službenom glasniku Općine Gračanica“.

DOSTAVLJENO:

Muhibija Memić
Ibrahim Ahmetagić
Mevlida Naimkadić
Federalno ministarstvo poljoprivrede,
vodoprivrede i šumarstva (PMU)
U spis.

OPĆINSKI NAČELNIK
Nusret Helić, s.r.

Bosna i Hercegovina
Federacija Bosne i Hercegovine
Tuzlanski kanton
OPĆINA GRAČANICA
OPĆINSKI NAČELNIK

Broj: 02-05-00268/2015
Gračanica, 29.01.2015. godine

Na osnovu člana 90. Zakona o javnim nabavkama Bosne i Hercegovine (“Službeni glasnik BiH”, broj: 39/14), člana 110. Statuta Općine Gračanica („Sl.glasnik Općine Gračanica“, broj: 4/09), i urneka Pravilnika o postupku direktnog sporazuma koji definiira postupak javne nabavke roba, usluga i radova putem direktnog sporazuma (koji je u primjeni od 27.11.2014. godine i koji je objavljen u “Službenom glasniku BiH”, broj: 90/14 od 18.11.2014 godine), Općinski načelnik
d o n o s i

PRAVILNIK O POSTUPKU DIREKTOG SPORAZUMA

Član 1. (Predmet Pravilnika)

(1) Ovim se Pravilnikom definiira postupak javne nabavke roba, usluga i radova putem direktnog sporazuma iz člana 90. Zakona o javnim nabavkama (u daljnjem tekstu: Zakon).

Član 2. (Uslovi za primjenu direktnog sporazuma)

- (1) Postupak direktnog sporazuma se može provesti kada je procijenjena vrijednost istovrsnih roba, usluga ili radova na godišnjem nivou jednaka ili manja od 6.000,00 KM.
- (2) Ugovorni organ može tokom jedne godine za isti predmet nabavke potrošiti do 6.000,00 KM putem ovog postupka.
- (3) Ugovorni organ može započeti postupak direktnog sporazuma ako je takva nabavka predviđena planom nabavki ili kada ugovorni organ donese posebnu odluku o pokretanju direktnog sporazuma u skladu s članom 17. stav (1) Zakona.

Član 3. (Principi dodjele direktnog sporazuma)

Postupak direktnog sporazuma se provodi na način da se osigura poštovanje principa iz člana 3. Zakona.

Član 4. (Početak postupka)

- (1) Procjenjivanje vrijednosti javne nabavke koja se dodjeljuje direktnim sporazumom vrši se u skladu s članom 15. Zakona.
- (2) Procijenjena vrijednost mora biti važeća u trenutku kada ugovorni organ zatraži prijedlog cijene ili ponudu od jednog ili više privrednih subjekata.
- (3) Postupak direktnog sporazuma započinje donošenjem odluke ili rješenja u pisanom obliku koje sadrži sve elemente iz člana 18. stav (1) Zakona.

Član 5.
(Izvršenje postupka)

- (1) Ugovorni organ ispituje tržište te traži pisani prijedlog cijene ili ponudu od jednog ili više privrednih subjekata koji obavljaju djelatnost koja je predmet javne nabavke.
- (2) Nakon što primi prijedlog cijene ili ponudu od jednog ili više ponuđača, a prije zaključivanja direktnog sporazuma, ugovorni organ:
- a) pregovara sa ponuđačem/ponuđačima o cijeni i/ili
 - b) prihvata prijedlog cijene ili ponudu jednog ponuđača i/ili
 - c) provodi drugu vrstu postupka definisanu Zakonom.

Član 6.
(Izbor ponuđača)

- (1) Kod izbora ponude na osnovu koje će biti dodijeljen ugovor, ugovorni organ treba uzeti u obzir faktore kao što su cijena, količina, kvalitet, tehnički opis, estetske i funkcionalne zahtjeve, karakteristike koje se odnose na okolinu, vrijeme i period isporuke i sl.
- (2) Ugovorni organ bira ponuđača na način koji garantira najbolju razmjenu vrijednosti za novac. Kada vodi pregovore koji se odnose na prijedlog cijene ili ponudu, ugovorni organ djeluje u skladu sa dobrom komercijalnom praksom.
- (3) Kada traži prijedlog cijene ili ponudu, ugovorni organ daje ponuđačima određeni rok da pripreme prijedlog cijene ili ponudu, uzimajući u obzir kompleksnost nabave.

Član 7.
(Zaključivanje direktnog sporazuma)

Direktni sporazum smatra se zaključenim:

- a) Kod nabavki čija vrijednost iznosi do 1.000,00 KM, prilaganjem računa ili druge odgovarajuće dokumentacije;
- b) Kod nabavki čija vrijednost je viša od 1.000,00 KM, ugovorni organ je dužan zaključiti ugovor.

Član 8.
(Prijelazne i završne odredbe)

Ugovorni organi su dužni donijeti ili uskladiti postojeće interne pravilnike o postupku direktnog sporazuma u roku od tri mjeseca od dana stupanja na snagu ovog Pravilnika.

Član 9.
(Stupanje na snagu)

Ovaj Pravilnik stupa na snagu danom donošenja i bit će objavljen na oglasnoj tabli Općine i u „Službenom glasniku Općine Gračanica“.

Član 10.
(Prestanak važenja prethodnog Pravilnika)

Stupanjem na snagu ovog Pravilnika stavlja se van snage Pravilnik o postupku direktnog sporazuma sa pojedinačnim dobavljačem, davaocem usluga i izvođačem radova broj: 02-05-00098/2011 od 12.01.2011. godine.

OPĆINSKI NAČELNIK
Nusret Helić, s.r.

BOSNA I HERCEGOVINA
Federacija Bosne i Hercegovine
Tuzlanski kanton
OPĆINA GRAČANICA
OPĆINSKI NAČELNIK

Broj: 02-05-00296-2015
Gračanica, 30.01.2015 godine

Na osnovu člana 6. i 7. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj: 12/03, 34/03 i 65/13), člana 23. Zakona o pravobraniteljstvu Tuzlanskog kantona („Službene novine Tuzlanskog kantona“, broj: 4/04, 5/08 i 2/14), člana 5. Odluke o utvrđivanju standarda i kriterija za imenovanja na upražnjene pozicije u reguliranim tijelima Općine Gračanica broj: 01-05-4274/09 od 29.10.2009.godine i člana 36. Statuta Općine Gračanica („Službeni glasnik Općine Gračanica“, broj: 4/09) Općinski načelnik,
d o n o s i

ODLUKU O KRITERIJIMA ZA IMENOVANJE OPĆINSKOG PRAVOBRANIOCA

I

Kandidati za općinskog pravobranioaca moraju ispunjavati opće uslove:

- da su državljanin BiH,
- da su stariji od 18 godina,
- da su zdravstveno sposobni za obavljanje poslova za koje se kandiduju,
- da nisu otpušteni iz državne službe kao rezultat disciplinske mjere na bilo kojem nivou vlasti u BiH u periodu od tri godine prije dana objave upražnjene pozicije,
- da nisu pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
- da nisu članovi političke stranke i da ne obavljaju poslove u organima stranke, političkim udruženjima ili fondacijama koje su povezane sa strankom i da nisu uključeni u bilo kakvu političku ili stranačku aktivnost,
- da nisu članovi organa, zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti FBiH,
- da nemaju privatni finansijski interes,
- da se protiv njih ne vodi krivični postupak i da nisu osuđivani za krivično djelo koje predstavlja smetnju za imenovanje na upražnjenu poziciju,
- da im nije pravosnažnom presudom suda zabranjeno obavljanje aktivnosti na poziciju na koju se kandiduju.

II

Pored navedenih općih uslova kandidati trebaju da ispunjavaju i posebne uslove:

- VII stepen stručne spreme – odnosno visoko obrazovanje prvog, drugog ili trećeg ciklusa Bolonjskog sistema studiranja, koji se vrednuje sa najmanje 240 ECTS- diploma visokog obrazovanja pravne struke,
- položen pravosudni ispit,
- iskustvo u radu na poslovima zastupanja pred sudom, odnosno imovinsko-pravnim poslovima, u trajanju od najmanje tri godine nakon položenog pravosudnog ispita, koji je radeći na tim poslovima stekao visok ugled pravnog stručnjaka i posjedovanje najviše moralne osobine za obavljanje službe pravobranitelja.

III

Oglas za upražnjenu poziciju općinskog pravobranioca u skladu sa kriterijima ove Odluke, objavljuje se u „Službenim novinama Federacije BiH“, u jednom dnevnom listu većeg tiraža i na web stranici Općine Gračanica.

Oglas za upražnjenu poziciju općinskog pravobranioca treba da sadrži:

- opis upražnjene pozicije,
- opće uslove koje treba da ispunjavaju kandidati,
- posebne uslove koje treba da ispunjavaju kandidati,
- spisak potrebne dokumentacije.

Krajnji rok za podnošenje prijave je 15 dana od dana posljednjeg objavljivanja oglasa.

IV

Za provođenje postupka imenovanja na upražnjenu poziciju općinskog pravobranioca, Općinski načelnik imenuje Komisiju za izbor.

Komisija za izbor se sastoji od 5 članova uključujući i predsjednika. Članovi komisije su lica koja poznaju odredbe Zakona o ministarskim, vladinim i drugim imenovanjima.

V

Komisija za izbor pregladat će sve prijave koje stignu u propisanom roku.

Komisija će na osnovu principa iz člana 3. Zakona o ministarskim, vladinim i drugim imenovanjima i kriterija za imenovanje sastaviti listu s užim izborom najboljih kandidata koji ispunjavaju kriterije za imenovanje.

Komisija će kandidate sa liste s užim izborom pozvati na intervju.

Svaki član komisije će nakon izvršenog intervjua sa kandidatima dati ocjenu za svakog kandidata u rasponu od 1 do 5. Ukupna ocjena kandidata će biti utvrđena kao prosječna ocjena svih članova komisije.

Nakon intervjua i ocjena kandidata, komisija predlaže rang listu sa najboljim kandidatima i dostavlja Općinskom načelniku radi daljeg postupka imenovanja.

VI

Općinskog pravobranioca nakon razmatranja rang liste kandidata imenuje općinski načelnik.

VII

Konačno imenovanje općinskog pravobranioca objavljuje se u „Službenim novinama Federacije BiH“ ili Službenim novinama kantona, grada ili općine.

OPĆINSKI NAČELNIK
Nusret Helić s.r.

S A D R Ž A J

I – AKTI OPĆINSKOG VIJEĆA

- 1.Odluka o objavljivanju javnog oglasa za imenovanje člana Općinske izborne komisije.
- 2.Odluka o pristupanju izradi izmjena i dopuna Regulacionog plana “Radna zona I, II I III” Gračanica – prva faza – istok.
- 3.Zaključak o davanju saglasnosti na Odluku o izmjenama i dopunama Statuta JP “Komus” d.o.o.Gračanica.
- 4.Zaključak o davanju saglasnosti na Odluku o proširenju djelatnosti JP “Komus” d.o.o.Gračanica.
- 5.Rješenje o imenovanju člana Upravnog odbora JZU “Gradska apoteka” Gračanica.
- 6.Rješenje o imenovanju člana Upravnog odbora JZU Opća bolnica “Dr. Mustafa Beganović” Gračanica.
- 7.Rješenje o imenovanju člana Upravnog odbora JZU “Dom zdravlja” Gračanica.
- 8.Zaključak o usvajanju Izvještaja o rješavanju upravnih predmeta u službama za upravu Općine Gračanica za period 01.01. - 31.12.2014.godine.
- 9.Zaključak o usvajanju Informacije o stanju sigurnosti na području općine Gračanica u 2014.godini.
- 10.Rješenje o utvrđivanju prava vlasništva na izgrađenom građevinskom zemljištu – Karahasanović Mujo iz Gračanice.

II – AKTI OPĆINSKOG NAČELNIKA

- 1.Odluka o odabiru korisnika sa iznosom dodijeljenih sredstava.
- 2.Odluka o visini naknade komadantu, načelniku i članovima Općinskog štaba civilne zaštite.
- 3.Rješenje o izmjeni i dopuni Rješenja o imenovanju Općinskog tima za implementaciju projekta (PIT) “Vodosnabdijevanje i kanalizacija na području općine Gračanica”.
- 4.Pravilnik o postupku direktnog sporazuma.
- 5.Odluka o kriterijima za imenovanje Općinskog pravobranioca.

SLUŽBENI GLASNIK OPĆINE
GRAČANICA

BROJ: 1

GODINA: 2015.

IZDAJE: OPĆINA GRAČANICA

UREĐUJE: Stručna služba Općinskog vijeća

TIRAŽ: 30 primjeraka

ADRESA: OPĆINA GRAČANICA
Stručna služba Općinskog vijeća

TELEFON: 035 / 700-800
Lokal: 816

FAX: 035 / 706-679